



Daj daxmeh gou seng daeg-nuengx gou le, gou roxnyinh lumj-baenz daxmeh cij gyaез daegnuengx, mbouj caiq gyaез gou nei, mbouj dawz gou dah lwgmbwk neix cuengq youq ndawsim, gou gamjdaengz gig nanzgvaq.

Couh aeu ngoenzneix daeuj gangj, daxmeh daj haw cawx ndaej

song aen sae' gva mbouj suenq hung ma, gwn caeuz gvaq le, daxmeh dawz aen sae' gva buq baenz roek gaiq, gaiq he baen hawj daxbuz, gaiq he baen hawj daxgoeng, gaiq he baen hawj daxboh, gaiq he baen hawj daxmeh swheij. Lij miz song gaiq, gaiq he hung, gaiq he iq. Gou iet fwngz bae aeu gaiq hung, mboujliuh daegnuengx hix iet fwngz bae aeu gaiq hung. Vih neix dou couh doxceng hwnjdaej. Daxmeh raen le, couh ndaq gou naeuz: "Mwngz dwg dahcej, wnggai nyienh hawj daegnuengx cij deng, gaiq hung neix couh hawj daegnuengx, caiq gangj lij miz aen sae' gva dem!" Dingq daxmeh gangj le, gou mbouj fugheiq: "Mbouj ndaej, gou couh aeu gaiq hung neix." "Mwngz mbouj dingq

vah, gou couh aeu song gaiq neix cungj hawj daegnuengx caez bae."

Gou dingq daxmeh gangj le, fwt dwk daej nga' nga hwnjdaej: "Sou bouxboux cungj gyaез daegnuengx, yienghyienh cungj nyienh hawj daegnuengx, gaemz heiq neix gou nyaenx baenz bet bi lo." Gangj sat, couh byaij haeuj ndaw rug swheij, haenqrengz gven aendou.

Gyanghaemh, gou itcig ninz mbouj ndaek, couh dawz bonj saw he daeuj yawj, sawqmwh, gou dingqny miz vunz hai dou, couh vaiq cuengq saw, gyajcang ninzndaek. Dou hai le, daxmeh menhmenh byaij daengz najcong, lumh aengyaеj gou, sing iq gangj: "Mbouj dwg daxmeh biensim, mwngz caeу daegnuengx cungj dwg

lwg daxmeh, daxmeh cungj gyaез gyoengqsou, caiq gangj daegnuengx mwngz lij iq, mbouj roxsoq, dangh-naeuz mwngz mbouj nyienh hawj de, de couh daej mbouj dingz. Gou rox mwngz gig vei, ngoenzcog couh baen gaiq sae' gva hung hawj mwngz."

Dingq gij vah daxmeh le, gou gig gamjdoengh, raemxda caiq hix nyaenx mbouj ndaej lae okdaеj lo. Gou goengq hwnjdaеj godawz daxmeh, daejsaekwk dwk gangj: "Daxmeh, gou mbouj roxsoq, gou loek lo, cingj mwngz yienzlienh, baezlaeng gou aeu lai nyienh daegnuengx di, caiq hix mbouj caeу daegnuengx doxceng lo." Dingq gou gangj gij vah neix, daxmeh got dawz gou ndaetndetndet.

(指导教师: 韦 龙)

Buengjyiengh Gou

我的榜样

武鸣县太平镇庆乐小学六年级 危泓璟

Buengjyiengh ndawsim gou, couhdwg song boux vunz daj gou seng okdaеj couh itcig buenx youq henzndang gou haenx.

Gyoengqde dwg song boux vunzguhnaз, mboujguenj rumz ci fwn doek roxnaeuz ndithaеnq hwngqndat, gyoengqde cungj bae ndaw reih ndaw naz guhhong. Moix baez deng fagliemz gvej deng fwngz seiz, gyoengqde cungj dwg nyaenx youq, mboujguenj baenzlawz indot gyoengqde mbouj damz mbouj heuh, haeb faenz haeb heuj dingj gvaqbae: "Mbouj youqgaenj law, di sieng neix mbouj suenq gijmaz ne!" Yienzhaeuh laebdaeb guhhong. Moix baez gou yawjraen cungj cingzgingj neix couh nyaenx mbouj ndaej gamjdoengh dwk lae roengz raemxda.

Seizhah banringz ndithaеnq raixcaix, hoeng, gyoengqde lij youq ndaw reih ndaw naz guhhong mbouj dingz. Geubuh deng hanh cimq dumz lo, couh lumj ngamq swiq ityiengh, hanh

ndik roengz namh bae, gomiuz docih gyoengqde. Danghnaeuz fwn doek, gyoengqde couh daenj buhfw n itcig guh hong liux cij ma ranz.

Dang gou roebdaengz gunnanz doeknaiq seiz, siengj daengz gyoengqde, daengx ndang couh bienq ndaej rengzrwdrd. Gou ciengzciengz siengj, danghnaeuz gou dwg aenruz youq gwnz haij mbouj rox fuengyiengq, gyoengqde couhdwg aen daengdap yinxroen; danghnaeuz gou dwg bouxvunz youq gwnz roenbuet mbouj miz saenqsim, gyoengqde couhdwg gij rengzrwd hawj gou buet baenaj haenx.....

Gyoengqde couhdwg song boux hawj gou sengmingh haenx——daxboh daxmeh gou. Dwg gyoengqde son gou baenzlawz guh vunz, roebdaengz gunnanz le, baenzlawz bae genhciz bae haekfug, gyoengqde couhdwg buengji-yienh ndawsim gou. (指导老师: 陆全耀)

Doengzhag Gou

我的同学

环江思恩镇西南小学六年级 罗幸运

De miz doiq lwgda ronghsag ndeu, byoemgyaeuj ndaemrongh, bak caeу ndaeng iqet gig ndeigyaez. De couhdwg doengzhag gou——Lij Fangh.

Lij Fangh saundei, gvaigvet youh unqswnh, daengx ngoenz raen de riuhihi. De daegbied gyaез hagsib, hwnjdangz seiz de nyinhcaen dingq gangj, mbouj ganggoj mbouj guh siuj dungcoz. Lauxsae daezok vwndiz, de diuz ndeu hix mbouj cuengq gvaq. Roengzdangz le, dou ok gyausiz bae guhcaemz, cijmiz de naengh youq dieгнаengh yawjsaw, siengj vwndiz. Moix baez de cungj nyinhcaen guh cozyez, ciengzseiz ndaej bak faen,



ndaеjdaengz lauxsae byaujyangz, gyoengq doengzhag gig boiqfug de.

Lij Fangh lij gyaез guhhong, cijaeu laj dieгнаengh de miz nyapnyaj, de couh gag gip hwnjdaеj gveng daengz ndaw doengji-nyapnyaj bae. Mizseiz mbouj daengz de baet gyausiz, de hix gaemdawz gaiq sauqbaet daeuj baet gyausiz.

Gij youhdenj Lij Fangh mbouj dan dwg gijneix, gvensim caeу bangcoh bouxwnq dwg sibgvenq ndei de. Neix couhdwg boux doengzhag gou. Gou aeu ndeindei hag de, guh boux hagseng ndei ndeu.

(指导老师: 罗 凤)



Byagim Ranz Gou

我家的小金鱼

贵港市覃塘区蒙公乡凌寺小学三(1)班 卢 嘉

Ranz gou ciengx miz sam duз byagim, gou gig gyaез gyoengqde, moix ngoenz cuengqhag dauqma, gou cungj aeu liuhbya daeuj gueng byagim, lij bang gyoengqde vuenh raemx dem.

Byagim miz doiq lwgda hung luenzlulu ndeu, bingzseiz cungj gyaез yawj bae yawj dauq, gyaepbya raeuzrwdrd, ronghndit baeз ciuq daengz, couh ronghmyabmyab, gig ndeiyawj. Youzdoengh seiz, diuzrieng gyoengqde vad bae vad dauq, gig nyex vunz gyaез.

Geiq ndaej miz baeз ndeu, gou ra bonjsaw gou mbouj raen lo, gig hozndat, youq henz gangbya daemh din baet fwngz, byagim lumj dwg rox simsaeh gou ityiengh, vaiqvued dwk youz daengz bangx gangbya, doq vad diuzrieng doq boq aenbop, lumj dwg lwnh gou nyi: "Vunzcawj ha vunzcawj, bungz daengz gijmaz saeh nyap la, gaej hozndat bw, aeu ndeindei siengj banhфap gaijgez cij ndaej, hozndat sieng daengz ndangdaеj bw." Yawj daengz cungj cingzgingj neix, heiqndat gou roengz lo, mbouj caiq hozndat lo.

Byagim lij gig mizyinx, gyoengqde gwn doxgaiq lij aeu yawj vunz gvaq caiq gwn, danghnaeuz dwg bouxwnq gueng gyoengqde, gyoengqde couh mbouj angq lo, couh mbwnj aenbak, youz deuz lo. Danghnaeuz dwg gou gueng gyoengqde ha, gyoengqde couh bien gwn bien yawj gou, mizseiz lij ndonj ok najraemx daeuj boq bopraemx, baeз baet rieng, youh gig vaiq youz daengz daejgang.

Gou gig gyaез byagim, gyoengqde daiq hawj gou haujlai vaiqvued, baezlaeng gou lij aeu engqgya saeqsim bae ciuqgoq gyoengqde. (指导老师: 韦丽平)